

መልክእ ኣባ ዳንኤል ዘደብረ ማርያም ቆርቆር

ሰላም፡ ለዝክረ፡ ስምክ፡ ዘመዓድም፡ ዜናሁ፡።

ወለስዕርትክ፡ ሰላም፡ ዘፀምረ፡ ጌዴዎን፡ እርእያሁ፡።

ዳንኤል፡ ያዕቆብ፡ ለእግዚአብሔር፡ ቊልዔሁ፡።

ባርኮሙ፡ ለደቂቅክ፡ እለ፡ ውስተ፡ እዴክ፡ ናሁ፡።

ከመ፡ ተባረክ፡ ኤፍሬም፡ እምክቡር፡ አቡሁ፡።

ሰላም፡ ለርእስክ፡ ዘእሰነዮ፡ ምርታዳ፡።

ወለገጽክ፡ ፍሡሕ፡ እምሳለ፡ ፀሐይ፡ ዘወርታ፡ መርሙዳ፡።

ዳንኤል፡ ፍቁሩ፡ ለጊዮርጊስ፡ ኮከብ፡ ልዳ፡።

ዕቀብነ፡ ለደቂቅክ፡ እመ፡ ዕለተ፡ በቀል፡ ወፍዳ፡።

ከመ፡ እም፡ ተዓቅብ፡ እምእኩይ፡ ወልዳ፡።

ሰላም፡ ለቀራንብቲክ፡ ዘተመሰለ፡ ጎሓ፡።

ወለዓዕይንቲክ፡ ሰላም፡ እለ፡ ፍጹመ፡ አብርሃ፡።

ዳንኤል፡ አቡነ፡ ለቤተ፡ ክርስቲያን፡ ሠርገ፡።

ፍሥሓ፡ መቅደስክ፡ ልዕልት፡ እንዘ፡ ይዔድም፡ ሕንፃሓ፡።

ዘያመዝብራ፡ ይዘረው፡ ከመ፡ ተይ፡ ወፎሃ፡።

ሰላም፡ ለዓእዛኒክ፡ ብስራተ፡ ገብርኤል፡ ዘእፅምዓ፡፡

ወለመላትሒክ፡ ሰላም፡ ኅልቄ፡ ጽፍዓቶን፡ ዘበበተስዓ፡፡

ዳንኤል፡ እቡነ፡ በጊዜ፡ በዓልክ፡ ነዓ፡፡

ምስለ፡ ሚካኤል፡ ፍቁርክ፡ ዘመልዕልተ፡ ኃይላት፡ እግዚእ፡፡

ትባርክ፡ መርዔተክ፡ ወዘለክ፡ ሰብእ፡፡

ሰላም፡ ለአዕናፊክ፡ ዘእፂነዎ፡ መሥዋዕተ፡፡

ወለከናፍሪክ፡ ሰላም፡ ዘኢነበባ፡ ሐሰተ፡፡

ዳንኤል፡ ፍቁሩ፡ ለዘዲበ፡ መስቀል፡ ሞተ፡፡

እስመ፡ እንተ፡ ገዳማዊ፡ ወባሕታዊ፡ እንተ፡፡

እንበይነ፡ ውሉድክ፡ አብዝኅ፡ ኀበ፡ አብ፡ ጸሎተ፡፡

ሰላም፡ ለአፉክ፡ ዘተምህረ፡ ጥበበ፡፡

ወለአስናኒክ፡ ሰላም፡ እለ፡ ይመስላ፡ ሐሊበ፡፡

ዳንኤል፡ ጽድቅክ፡ በሰማያት፡ ተዘግበ፡፡

ብፁዓን፡ ደቂቅክ፡ እለ፡ ኃሠሱ፡ ምርካበ፡፡

እምነ፡ ጽድቅክ፡ ይትወፈዩ፡ ዓስበ፡፡

ሰላም፡ ለልሳንክ፡ በብሂለ፡ ቅዱስ፡ ዘእልኖሰሰ።
ወለቃልክ፡ ሰላም፡ ዘጣዕመ፡ ጉሕናሁ፡ ተወደሰ።
ዳንኤል፡ አቡዮ፡ አስተበቀዳክ፡ እንሰ።
ከመ፡ ኢትጎድገኔ፡ ወትፀግወኔ፡ ሞገሰ።
ከመ፡ ተፀገዉ፡ አርድእት፡ መንፈሰ፡ ቅዱሰ።

ሰላም፡ ለእስትንፋስክ፡ ዘይፌወስ፡ በንፍሐቱ።
ወለጉርዔክ፡ ሰላም፡ በምህሮ፡ ቃላት፡ ኗቱ።
ዳንኤል፡ ይስሐቅ፡ ለእግዚአብሔር፡ መሥዋዕቱ።
ነዓ፡ ነዓ፡ ምስለ፡ ሊቃናት፡ ሰብዓቱ።
ለሐውዖ፡ ዛቲ፡ ቤትክ፡ ወሕዝብክ፡ ዝንቱ።

ሰላም፡ ለክሳድክ፡ ቃማ፡ ንጽሕና፡ ዘዓሠረ።
ወለመትከፍትክ፡ ሰላም፡ ዓርዑተ፡ ቀኖና፡ ዘፆረ።
ዳንኤል፡ ልብክ፡ በወይነ፡ ፍቅረ፡ እምላክ፡ ዘሰከረ።
በገዳም፡ ሶባ፡ ርእዩ፡ እንዘ፡ ትገብር፡ መንክረ።
አጋንንት፡ ወአርዌ፡ ምድር፡ ወህቡክ፡ ደብረ።

ሰላም፡ ለዘባንክ፡ በዘባድወ፡ መከራ፡ ዘተዓፅፈ።

ወለእንግድዓከ፡ ሰላም፡ ሕፃነ፡ ምንዳቤ፡ ዘሐቀፈ፡፡

ዳንኤል፡ ዮሐንስ፡ እንተ፡ በዲቤሁ፡ ዓዕረፈ፡፡

ጸጋ፡ ሰማያዊ፡ እምጣነ፡ ይጼጉ፡ አፈ፡፡

ለብእሲ፡ ዕሡረ፡ አፍ፡ ዘኮነ፡ ጸያፈ፡፡

ሰላም፡ ለሕፅንከ፡ ምርፋቀ፡ ቅዱሳን፡ ውእቱ፡፡

ወለአእዳዊከ፡ ሰላም፡ እለ፡ ይገሥሣ፡ በበሥርዓቱ፡፡

ዳንኤል፡ አብርሃም፡ ዘተወክፎ፡ ነግድ፡ ይፈቱ፡፡

ይብሉከ፡ አባ፡ አብትረ፡ እሳት፡ ፫ቱ፡፡

አማን፡ ለጽድቅ፡ ክቡር፡ ሞቱ፡፡

ሰላም፡ ለመዛርዒከ፡ እንተ፡ ፈድፋድ፡ ሐየለ፡፡

ወለኹርናዕከ፡ ሰላም፡ ኹርናዓ፡ ሙሴ፡ መሰለ፡፡

ዳንኤል፡ ማርቆስ፡ ከመ፡ በርእሱ፡ ደብር፡ ዔለ፡፡

እመስተጋድላን፡ አፈድፈድ፡ ገድለ፡፡

ወበተጋድሎ፡ ረከበ፡ ክብረ፡ ነፍስ፡ ብዕለ፡፡

ሰላም፡ ለእመትከ፡ ቤተ፡ እእምሮ፡ ዘመጠነ፡፡

ወለእራኅከ፡ ሰላም፡ ለገቢረ፡ ኹሉ፡ ወጠነ፡፡

ዳንኤል፡ ወልዱ፡ ለዘእንሥኦ፡ ሙታነ፡፡

ተበሃሉ፡ በእንቲአከ፡ ለለሠርቀ፡ ዕለት፡ ኮነ፡፡

እማን፡ እምዳድቃን፡ ጊሩቱ፡ ርኢነ፡፡

ሰላም፡ ለዓፃብዒክ፡ እለ፡ ጸሐፉ፡ መዝሙረ፡፡

ወለአጽፋሪክ፡ ሰላም፡ ዘእስተፃንዓ፡ ምክረ፡፡

ዳንኤል፡ ኤልያብ፡ ድኅረ፡ ተፈኖክ፡ ምዕረ፡፡

ኢሰአልክ፡ እምጠቢባን፡ ወዘይምዕድ፡ መምህረ፡፡

ከመ፡ ትሕንፅ፡ ደብተራሁ፡ ለዘለክ፡ ደብረ፡፡

ሰላም፡ ለገቦክ፡ ዘኢሰከቡ፡ በህቁ፡፡

ወለከርሥክ፡ ሰላም፡ ለእክለ፡ በረከት፡ ምርፋቁ፡፡

ዳንኤል፡ ዳዊት፡ ፈጻሜ፡ ጥበቡ፡ ወጽድቁ፡፡

ለኤዎስጣቴዎስ፡ መምሕረ፡ ሕግ፡ ወእለ፡ ተርፋ፡ ደቂቁ፡፡

ትዕርግ፡ ሕይወቶሙ፡ የማነክ፡ ጽሕቁ፡፡

ሰላም፡ ለልብክ፡ ማዕምረ፡ ኩሉ፡ ጠባይዕ፡፡

ወለኩልያቴክ፡ ሰላም፡ በፍቅረ፡ **እምላክ፡** ልኩዕ፡፡

ዳንኤል፡ ለዘተኹንን፡ ሰብእ። ለእመ፡ ተእመን፡ ብከ፡
በተወክለው፡ ጥቡዕ። በመንግሥተ፡ ሰማይ፡ ምስሌከ፡
ይንግሥ፡ ኃጥእ።

ሰላም፡ ለህሊናክ፡ ህላዌ፡ ሥላሴ፡ ዘሰብሐ።
ወለንዋየ፡ ውስጥክ፡ ሰላም፡ ዘመባሕተ፡ እምላክ፡
እርእያሃ።

ዳንኤል፡ እቡሁ፡ ለዕብን፡ ሰንብልት፡ በኩረ፡ እምኃ።
ተኃጦሙ፡ ምድር፡ ለፀርን፡ እንዘ፡ ታበቁ፡ እፋሃ።
ከመ፡ ዳታን፡ ወአቤሮን፡ ዘገብኡ፡ ኀቤሃ።

ሰላም፡ ለሕንብርትክ፡ ጣዕመ፡ እግረ፡ ቀኖት፡ ዘኬዶ።
ወለዓማዑቲክ፡ ሰላም፡ እሳተ፡ ፍቅረ፡ ቃል፡ ዘእንደዶ።

ዳንኤል፡ ፀውዖ፡ ለገብረ፡ ናዝራዊ፡ በተእንግዶ።
ምስሌክ፡ ይንበር፡ እግዚኦ፡ ለዘታፈቅር፡ ውሉዶ።
እስመ፡ ኢኮን፡ ባሕቲቱ፡ መፍቅዶ።

ሰላም፡ ለሐቃክ፡ ሠቀ፡ መንፈስ፡ ቅዱስ፡ ቅናቱ።
ወለአቀሥደኢክ፡ ሰላም፡ ዓዕማደ፡ አሚን፡ ሿቱ።

ዳንኤል፡ መርጎብ፡ ለጸሎት፡ አረፍተ፡ ቤቱ።

ቅዱሳን፡ ዘየኃድሩ፡ ወያሰምኩ፡ ቦቱ።

ሥጋ፡ መድኃኒት፡ ወደም፡ ዘንቡር፡ ውስቴቱ።

ሰላም፡ ለአብራኪክ፡ እለ፡ ይሰግዳ፡ ፪፻፩።

ወለአእገሪክ፡ ሰላም፡ ዘኢኃሠሳ፡ ምዕራፈ።

ዳንኤል፡ አቡዮ፡ ኢትግድፈኒ፡ ገዲፈ።

እስመ፡ ዘመንዮ፡ እንዘ፡ በከንቱ፡ ኃለፈ።

ከመ፡ ዓፅቅ፡ እምቅድመ፡ ይፈሪ፡ ጽጌሁ፡ ዘተነግፈ።

ሰላም፡ ለሰኮናክ፡ እመንገለ፡ ምሥራቅ፡ ዘወጽአ።

ወለመከየድክ፡ ሰላም፡ በዓሣዕን፡ ዓረፍተ፡ ዘቀጽባ።

ዳንኤል፡ አቡዮ፡ እግዚእክ፡ በከመ፡ ሠርዓ።

ኩሎ፡ ዘፈቀድክ፡ እንዘ፡ እከውን፡ ስምዓ።

ይብለክ፡ ዝዮ፡ ደብረ፡ ማርያም፡ ነዓ።

ሰላም፡ ለዓፃብዒክ፡ ዘዓሥር፡ ኩሎን።

ወእጽፋር፡ መልዕልቴሆን።

ዳንኤል፡ መምህሩ፡ ለዮሐንስ፡ ካህን።

እለኔ፡ ሀለዉ፡ ዓርካኒኩ፡ እንተ፡ በጽግም፡ ወይምን።

ዕቀበነ፡ ለደቂቅኩ፡ እምእኩይ፡ ዘመን።

ሰላም፡ ለቆምኩ፡ እመ፡ ተክለ፡ ገነት፡ እንተ፡ ኖታ።

ወለመልክዕኩ፡ ሰላም፡ ከመ፡ ጽጌ፡ ሮማን፡ ዘቄሐ።

ዳንኤል፡ አቡየ፡ እስዕለኩ፡ ብዙታ።

እስመ፡ ዘመንየ፡ ወመዋዕልየ፡ በጽሐ።

ጸባሕተ፡ በረከት፡ ለኩ፡ ሀበኔ፡ ንስሐ።

ሰላም፡ ለፀዓተ፡ ነፍስኩ፡ እምወሣጤ፡ ሥጋ፡ ገዳመ።

ወለበድነ፡ ሥጋኩ፡ ሰላም፡ ኅበ፡ ጥንተ፡ ቤቱ፡ ተሐትመ።

ዳንኤል፡ አቡየ፡ እንተ፡ ትእኅዝ፡ ዓለመ። ይትፈሥሐ፡

በምጽአትኩ፡ እመ፡ ዕለተ፡ ፍትሕ፡ ቀደመ።

ብስራተ፡ መልአኩ፡ እኒዘመ፡ ፍጹመ።

ሰላም፡ ለግንዘተ፡ ሥጋኩ፡ በዓፅፈ፡ ሃይማኖት፡ ዘለይ።

ወለመቃብረኩ፡ ሰላም፡ በደብረ፡ **ማርያም፡** ዓባይ።

ዳንኤል፡ አቡሁ፡ ለኤዎስጣቴዎስ፡ ኅሩይ።

ለእመ፡ ገብሩ፡ ተዝካረኩ፡ እስከነ፡ ኅፍነ፡ ቈረር፡ ማይ።

እኮኑ፡ በዓለ፡ ጸጋ፡ ይድገን፡ ነዳይ ።

እምኃ፡ ሰላም፡ እቅረብኩ፡ በዘተክህለኔ፡ ፍቅረ ።

እምነ፡ ብዝኀ፡ ፍቅርኩ፡ ዘኢየጎልቅ፡ ነገረ ።

ዳንኤል፡ እቡየ፡ ዘትገብር፡ መንክረ ።

እምኃኩ፡ ንሣእ፡ እግዚእ፡ በዘይመጽእ፡ ድገረ ።

ለዛማይ፡ ክረምት፡ ጊሩትኩ፡ የሃቡ፡ መዝሙረ ።

ይትባረክ፡ እግዚአብሔር፡ በእፈ፡ ዘሥጋ።

ዘወህበኔ፡ ቃለ፡ ከመ፡ እወድስኩ፡ እንበለ፡ ንትጋ።

ዳንኤል፡ ፍቁሩ፡ ለገብረ፡ ናዝራዊ፡ ምሉዓ፡ ጸጋ።

በገዳም፡ ሰላማዊት፡ ዓቃቤ፡ ሥርዓታ፡ ወሕጋ።

ወለረድኤትኩ፡ ውስተ፡ ምድርነ፡ ያስተርኢ፡ ፈለጋ።

ኦ እምላኩ፡ አባ ዳንኤል፡ ዕቀበነ፡ ወሠውረነ፡ እምዕለት፡

እኪት፡ ወባልሐኔ፡ እምኹሉ፡ መንሱት፡ ለእግብርቲኩ፡

ደቂቀ፡ ዳንኤል፡ ዘደብረ፡ ማርያም፡ ቆርቆር ።

